

## ADMISSION KIHONG

Imphal School of Preaching a Bible zilnuamte a ding in Admission kihong lel hi.

### A zilthei dingte:

1. Pawl 10 apan atunglam
  2. Sappau sim leh gelh thei
  3. Khamtheih hihlou mihohi
- Hamphatna ome:**
1. Kham hamphatnate om
  2. Om man sum omlou
  3. Nek-le-tak man omlou
  4. Sinlai laibute manbei
  5. Bible Class pen zingkal leh nitak chauh a om
  6. Sun hun in sinlaite nasem hiam College kaikawm thei
  7. Giahna pindan hoihtak om
  8. Laisim kuhkalte a ding in nitak in mei mit ngeilou
- Lunglutna nei kuapeuh in Changangei-Uchekon, Airport Road, Imphal hiam ahikhe'h, 09436022454, 09436291027, (0385) 2455123 ah thuchian ngah theih gige ding hi.

## MANIPUR ELECTION A VOTE KHIKAKDAN

Manipur pumpi a Vote nei mi 1741581 om lak ah numei 890041 hi a, pasal 851540 pha hi. Tutung a General Election a Vote khe tengteng mi 1381942 hi a, numei 690754 phazou in pasal 626863 pha hi. State pumpi a Vote khe tengteng 79.35 % pha hi.

Manipur pumpi ah Constituencies 60 om a huaite lak ah Constituencies 5 a polling stations 34 ah Feb. 4, 2012 zinglam dak 7 apan nitaklam dak 3 sung in repoll om hi. Churachandpur District sung a Constituencies 3 a repoll neihna munte bel Tipaimukh (Chingmun leh Senvon B), Thanlon Savaipaih leh Phaipheng) leh Henglep (Phuoljang) ahi.

Election results bel State dangte toh hun kibang in March 6, 2012 in sim hipan ding hi. Ngaklahtak in ngak ni.

### EW's EFL Corner

#### RESULTS

27-1-2012

ZFC 1-1 CPYOF

#### FIXTURES

04-2-2012

1:00 pm: ZFC vs LFC

3:00 pm: SPSFC vs RFC

## KHANTOUHNA DI'N TUISIANG, LAMPI LEH MEI POIMOH

I tenna Manipur ah lam tuamtuam a khantouhna ding deihna in pawl tuamtuam simseng louh omta a, Presidents leh Secretaries in kidim hi. Eimi sung kia lel ah leng pawl tuamtuam, min tuamtuam tamkhop omta hi. Hiaite i mohpaihna dan a i gen hizaw lou in, khantouhna i deih khiakdan uh lahna ding a i gen ahi zaw hi. Khantouhna di'n Tuisiang, Lampi leh Mei poimoh hi.

**Tuisiang:** Ann ngolh sang in tui ngolh in mi a si baihzaw hi. Mihingte kia hi phet lou in hinna nei tengteng a ding in tui(siang) poimoh petmah hi. Khovel piandan suimi khenkhatte ngial in khovel a thilhing khempeuh tui (water) apan hong kipan ahi chi hial uhi. Khanglui hunlai a i pu-le-pate un leng khua asat ding chiang un tui hoih omna munte teel ua, tui anop leh khua nuam ahi chih na thei mahmah uhi. Hiaite kia hilou in, khovel a khantouhna lianpipite (great

civilizations) leng luipang ah ana kipan sek hi. Etsakna ding in Egypt in Nile Lupi nei a, China in Luipi nei hi. Eden Huan nomsaktu ding in Pasian in Luipi thum koih hi.

**Lampi:** Mihingte pen nekhawm-takhawm ding a siam i hi uhi. Ngasa in atam sihipih napi in mihingte'n i tam kihinpih hi. Kikawmtuahna hoih in kisumdawntuahna ah hon panpih hi. Khangthu a kumpi hoihte'n lampi hoihtaktak na bawlkhia uhi. Zuak leh leina ding in lampi

hoih poimoh hi.

**Mei:** Meivak tungtawn in naseptheih tampi om hi. Mihing thahatna a sep ding hileh sawtpi gimtak a sep dingte meivak thahatna toh baihlamtak in zoh ahisek hi. Factories tuamtuam in leng meivak thahatna poimoh hi. Sun-le-zan omlou a meivak om gige hileh ni khat in nna bangzah in semkhe man ding ua chih in om hi.

Hiai atung a i gen thil thumte kiningching leh hoihtak in omleh kikhangtou thei ding hi.


## SSPP-IB FREE COACHING PAILEL; TEACHERTE PHATHUAI

Apaisa January 16, 2012 apan SSPP-IB in Class X leh XII 2012 a exam dingte a ding a Free Coaching asai uh paitou lel hi. Niteng in mi sawm-le-guk tunglam class la ding in kuan gige ua, huaite lak ah Class X ban ah Class XII Arts leh Science tel tuak hi. A muanhuai mahmah sinsaktute ahih uleh Sir S. Lallianmang, Sir T. Siamlian, Sir N. Thangkhsiam, Sir Thanmawi, Sir Thianlal, Sir Muangboi, Sir Dingpu Guite, Ma'm Chingzaman, Miss Siampi, Miss Kim Rose, Miss Hoihlun, Miss Muante, Miss Priscilla leh talpakte pasal khat ahi uhi. Teachers ding a alakte uh ahihleh Govt. leh private a seem khawng hi ua, khente ahihlelah home tuition hilh sek ngen ahihman un muanhuai thei mahmah uhi. Siamsinte makhualna a panlate leh teacherte phathuai uhi.

Kum teng phial in SSPP-IB in coaching sai sek mahleh tutung a coaching asai pen uh chituamna bel students omdan apan in subject tengteng sinsakna hivek a,



Sir S. Lallianmang in Class XII (History) a hilh laitak.



Sir T. Siamlian in Class X (Civics/Eco.) a hilh laitak.

Class XII a ngei leng Arts leh Science subjectte sinsak in om hi. Huai ban ah, kha khat vel daih ding a sai ahi. Vaisaite'n sinlaite leh nu-le-pa akhualna ziaak un, a budget bawlsa uah telpha kei mahleh, thanuamtak leh kipaktak a va tel siamsinte paiman ding, avek hikei mahleh, piaksak hun nei zel uh ahi chih thutut kingah hi.

Hiai a limte kimvek kei mahleh Subject lakdan zil a limlak uh ahi a, teachers leh students khenkhat telkha lou uhi. A vaveh thei zel omleh tha pe mahmah di'n gintakhuai hi.



Maths teacher in Class XIIe a hilh laitak.

## JOB HIGHLIGHTS

(Jan. 28–Feb. 3, 2011)

01. Public Service Commission, Uttar Pradesh notifies Combined State/Upper Subordinate Services Examination- 2012.
02. The Oriental Insurance Company Limited, New Delhi requires Administrative Officers (Scale-I).
03. Railway Recruitment Cell, North Eastern Railway, Gorakhpur requires Head Waiter/ Head Bearer.
04. Reserve Bank of India Services Board, Mumbai requires Assistant Managers (Rajabhasha) in Grade 'A'.
05. Bank of Baroda requires Chief Managers (Finance) and Senior Managers (Finance).
06. Brahmputra Valley Fertilizers Corporation Limited requires Engineers and Professionals to be inducted as Management Trainees.
07. Headquarters, Coast Guard Region (West), Mumbai invites applications for various posts.
08. Defence Research and Development Organisation requires Scientists.
09. Rural Electrification Corporation Limited requires Professionals in various disciplines including Special Recruitment Drive for SC/ST/OBC.
10. National Institute of Health and Family Welfare, New Delhi invites applications for various posts.
11. Indian Army invites applications from married/unmarried male and unmarried female as also from widows of Defence Personnel for Grant of Short Service Commission.
12. Military Engineers Services Headquarters Central Command, Engineers Branch Pin-900450, C/o 56 APO invites applications for various posts.

Tongkup Simthu:

**PA'N NU NGOH; NU'N PA NGOH**  
**Bang suak ding?**

Innkuan etkolna poimoh mahmah ahidhan kuapeuh in i theihsa ahi. Innkuan lohching i tehna pen mimalmal in kidong leng a kibang kim khol kei ding in a gintakhuai hi. Tate teng in sepa aneih uh pen innkuan lohching tehna khat ahi a, huchibang mah in, tate'n sepa nei vek kei mahle uh thumangtak a aom uh leng tehna dang khat ahi. Tate pichingsak zoute leng lohching mah achih theih a, innkuan lohching kichite i gen kim vek zou kei ding hi.

Innsung loching hih theihna ding in nu-le-pate'n mohpuakna liantak nei masa uhi. Innsung a alianpente nu-le-pa ahi ua amau a kituah kei uleh bel "innkuan kidou" hi ding ahiman un a khosuah uh haksa ding hi. Nu in amah thu deih, pa in amah thu deih. Mahni thu chauh deihna in kituahlohna tun hi. Kituahna ding in panlak dingdan chi tampi om thei a, huaite laka ei kituahpih va zuih pen innkuan lohching hihna ding a abul kipatna hoihpen ahi mai hi.

Tate mai a Pa in nu mohsa; Nu in leng Pa mohsa kik chih om hitaleh, tate'n pautam hetlou in a lungsim uah *guanlut* khat ana nei hiau ding uhi. "Tulai naupangte pilthei lua uh" chih kampau zak in omsek a, huaiziak in nu-le-pate leng tate mai a kampau siam poimoh pha mahmah hi.

Tate hong ginat louh sim Chiang bang un nu-le-pa khenkhatte kimohsa tuah ua, hiai in kitheihsiam louhna piangsak thei hi. I lungsim Chiang in bel huchih khak omthei mah ahi. Himahleh, hiaibang a kimohsakna in akuazaw samsam a ding in phattuamna tun lou hi. Kimohsak tuah sang in "bangchi panlak ding hiam" chih kikumkhawm hile uh a phatuam zaw diam chih in om hi.

Mohtansak a om kuamah i ut kei a, huaiziak in nu-le-pate pen tate ginat louh ziak a kimohsaksak mawk ding ahi kei a, pankhawm ding ahi zaw hi. Pa gina lou khat pen nu in a zahtaksiam a, huchibang mah a nu ginalou khat pen pa'n a zahsiam ngeingeileh tate'n a gina lou pen a simmoh tuan kei ding uhi. Innsung lohchinna ding leh tundingna ding in kuapeuhmah in poimohna kinei chiat hi. Kingoh kei leng maw?

(Hiai a thukup kigelhte pen ngaihnan omtheite apaan lakkhiak ahi. -Editor)

**THUTUAMTUAMKAIHKHAWM**

**THEIHSAKNA**

A hong tung ding Feb. 8, 2012 Nilaini Chiang in DM College a kai Paite siamsinte'n **Study Tour** pai sawm ahiman un a ut a telnuam DM a kai lellel Paite sinlaite'n na **min, stream, roll no.** uh hiai anuai a contact no.te ah **Monday Feb. 6, 2012** tan in piak theih ding hi.

**Contact Nos.: 8575617263; 8014319149**

**MOUKHA IN HOH UH**

Langol a om Pa John K.Ngaihte leh midang bangzah hiamte Pa Goukhantuang' zi khakna uap ding in inndongta vai in Bukpi ah Feb. 1, 2012 in hoh uhi.

Langol mah a om Pa Lianlam leh Nu Chingkhlian leng Thuangtam khua ah moukha ding in zin uhi.

Huchibang mah in, Paite Veng a om Pa R. Sanga leh a sungkuante leh Nu Niangpi,

Tribal Colony a Nu V.L. Sawmi leh Games Village a Lia Sasan leng Pa M. Thangzalian' tanu khakna uap ding in Lamka ah Feb. 1 leh 3, 2012 in zinkhia uhi.

**HONG TUNG NAWNTA**

Paite Veng a Faith Home a om tangval Roua leng suti zang ding a kho lam a zin Feb. 1, 2012 in damtak in hong tungkik hi.

**DOCTORATE NGAH**

Paite Veng a om Pu R.Sanga in kum 20 vingveng Pasian nna asepnate ziak in Throne of Grace Theological Seminaries and Ministries, Hyderabad in Doctor of Philosophy (Ph.D) apaisa Jan. 11, 2012 in pia uhi.

**REPOLL DI'N ZIN UH**

Langol a om Pa V.Khamzakhup leh Nu T.Zavung tutung repoll ding ziak in Thanlon lam ah zinkhia uh.

**MBBS ENTRANCE EXAM OM DING**

Armed Forces Medical College (AFMC), Pune a MBBS zilna ding Entrance Exam May. 6, 2012 in om ding. Thuchian kimzaw [www.afmc.nic.in](http://www.afmc.nic.in) ah ettheih.

**PAIMAN PIAKSAK UH**

SSPP-IB in tutung Free Coaching asaina ua tel sinlaite paiman piaksak zel ua, himahleh niteng in bel pe tuan lou uh chih thu kiza hi.

**MEETING SAWM UH**

Feb. 5, 2012 Pathianni in SSPP-IB Heutute'n meeting poimohtak Block Office, Paite Veng ah neih sawm uh chih thutut kingah hi.

**WORKSHOP SAI SAWM**

SSPP-IB in tukha sung ngei a "One Day Workshop On Paite Vernacular Subject" kichi sai sawm chih thu kiza.

**YOUTH EMPOWERMENT DAY REPORT**

Christian tuailai kha lam leh sa lam kihihatna toh kisai in 26<sup>th</sup> January in G5 Christian Club leh YMCA Imphal saina in Tribal Colony ah hun nuamtak kizang hi. Tua ni mah in Dry Bone Vision (1990 a Ministry kipan) Pathian vualzawlina a paitou zel pen Upa Chinzatun Hangshing (Local Chairman, TBUC, Tribal Colony) in a gam kum 5 zat di'a a piakkhiakna leh kipahpihna latsakna in G5 leh YMCA youth volunteerte'n Langol Laimanai (YPA Hall kiang) ah mass social work va nei uhi. Tuakhit in YMCA Imphal Co-ordinator H. Lianboy in Meitei City Church a President kiang ah Bible copies 200 (Hindi and English) pekhia. Ama'n a genna ah Meitei Christiane Hindu background a hong kipan ahizhiak un Hindu communityte lak ah evangelize naktak a bawl dia pan ladin hasot in chiklai peuh a kithuah pih dia mansa ahih dan gen.

G5 CC a active member lia Kimbuang' Happy Birthday ahih toh kiton in thupitak in kilawm zuazua a, B'day gifts and wishes kipia hi. Lia Kimbuang ahihleh T/Colony numeite lak a fel pen Pathian phawk, melhoih, awmdan kilawm thei, socialize dan siam, philanthropic lungtang nei ahihna ah G5 Co-ordinator Thianson Tunlut in Colony Queen 2012 Title pia hi. Tangval Tunlut in agenna ah tua bang a quality nei eimi veng dangte numei a om diam chi'n dotna bawl hial hi.

Hiai ni a paikhawmte lak ah Mr. Solomon Simte (YWAM Imphal City Co-ordinator) in hichibang Christian youth meeting/fellowship neih hoih asak dan gen in maban a leng denomination tuamtuam a youthte'n common platform/fellowship and worship neih tou zel di'n ngen hi.

Youth empowerment day tomkim leh nuamtak a zatna hun ah Mr. Henga (Principal, Bethsaida Academy, Moreh) pen program ah Chief Cook in



pang hi. Social functionte ah Chief Guest kichite lian mahmah hinapi in Christian function a bel Leaderte'n humility leh servanthood attitude/example piak poimoh zaw ahi chih etsakna in Chief Cook in pang hi. VOKSA/DAL/EGG/SALAD hon bawlsak Pastor Raaj Kumar (Dry Bone Vision) in Pathian kiang a latna neih nungin niang leh tai in kine khawm hi. Ann nek zawh in Leaderte'n kuang leh bel sawp souhsouh, huchi'n Photo Session a fuh theipen a neih ahih nung in khelah takin kikhen ta uhi.

**Financial Contributors:**

01. Khupchinpau Guite (Pres., YMCA Imphal) = Rs.1000

02. H. Lianboy (Co-ordinator, YMCA Imphal) = Rs.1000  
04. Lun Hangshing = Rs.2400  
05. Tea and snacks:

Dry Bone Vision  
06. Organizations paikhawmte: YMCA, YWAM, DRY BONE VISION, MEITEI CITY CHURCH, BETHSAIDA ACADEMY leh G5 Christian club.

07. Bible contributor: Thangboy Guite, Lamphel  
08. Hosted by: YMCA Imphal  
09. Event management: Ethnos Service Solution (Christian Business Enterprises)

Best Regards,  
G5 Christian Club  
**Jesu'n thupina tangta hen!**

Convenor: Lun Hangshing

**"Slight not what's near, while aiming at what's far." -Euripides**

**Bang A Gen Nawn Ua Le?**

© "Sanjenthong a network hat-a-hat inchin cycle a i taai lehle laa nih bang kidownload man..." -Ringo, T/Colony  
© "U Mung leng chalak vanglak, tuni k'on treat ding chi a (coaching a) hong hoh lou daih..." -Kim Rose, Lmpl  
© "Nitaklam dak 4 tan n'on ngak zohleh..." -Mung, PtV  
© "(SSPP-IB) VP toh Edn. (S) office ah ka va hoh ding ua, koimah a va baang kei na ve ung." -Paulson, NGV  
© "Hiai tan coaching saita uchin ua hong enkhe kha ngeilou kei mahve." -Lun, Lmpl  
© "Kou hunlai a Paite khawng chauh (coaching) sai kei ngal ve ua..." -Mang, Lmpl  
© "(Coaching) Phattuampih mah ung e..." -Sinlai hong telte  
© "Cashier pa hong pai chiah sum la un." -Suanthang, Lmpl

**Chi Khemkhem Le Maw...**

© Pasal khutdoh khat mi inn a sum ava ngetleh neilou ana chi uh. Ama'n leng puanak beek achihleh nei tuanlou chi thouthou uh. Huaitak a khutdohpa'n leng "Huchi ahihleh kei hon zui uah" chihsan geih. -Lun Guite, T/C  
© Biakinn khat lian law petmah inchin thohlawm dongte bike a kikhoh ziahziah uh. -LGuite, T/C  
© Mi khat a heek awn law mahmah inchin hawktui dawnkha zou hial. -Vung, T/C  
© Gari khat thak lawtel lai, a driverpa leng plastic a kituamlai. -Lemlal, T/C  
© Mi khat a naupan lai a si.  
© Khua khat ah biakinn lianpi bawl uh. Mi khat in alawmpa kiang a "ka biakinn uh hong en in" chi. Alawmpa va hoh pah. A etleh lian salua, "Karei! mi 200/300 khawng ihmuh theihna eivele maw" chi geih.  
© Mi khat amit kalh lua. Mi a nungngat lehle a mel uh mu veve thei.  
© Mi khat thadah lua; thadah kidemna a leng tel peih lou lai.

**eimi-QUIZ**

1. Bang gam ah numei genna in "colleen" akizang a?
2. Black Sea luanpawtna omsun koilak ahia?
3. Ngasa neupen bang ngasa ahia?
4. Manipur ah Assembly Constituencies bangzah a om?

\*Na theihke'h anawn chiah ana en in.  
3. 1.85 kms.  
2. Lungtang (Heart) Operation.  
1. "Omniibus" (for all).  
\*EW Vol. 2, No. 5 a pen dawma.